

Segun lider di Partido Democracia Real, Sr. Andin Bikker

Comerciantenan ta bisa cu Caya Grandi ta parce un 'Ghost Town'

ORANJESTAD – “E comerciantenan den Caya Grandi no por carga e peso mas,” esaki tabata palabranan expresa ayera mainta pa lider di Partido Democracia Real, Sr. Andin Bikker. Aunke Gobierno di Aruba por medio di tur nan comunicadonan de prensa publica casi diariamente, cu Caya Grandi ta bayendo bon, PDR por a constata cu comerciantenan ta bisa cu Caya Grandi ta parce un ‘Ghost Town’.

CITACION

Bikker ta cita algun cos cu e comerciantenan a señalá. Di 90 negoshi cu tin den Caya Grandi, 15 a cera caba. Otro a cita cu el a perde 80% di su clientenan y esaki ta algo cu ta andando desde aña 2010. “Pa loka ta trata e famoso tram cu niun hende no a vota pe, pero mas bien un persona ‘Schwartz’ di New York aparentemente a pensa riba dje, comerciantenan ta keha cu niun hende ta baha for di e tram. Dus e concepto di e tram

pa busca turistanan crucero pa yega te na e ultimo tienda den Caya Grandi tampoco ta funciona,” Bikker a señalá.

AVENTURA

Segun Bikker, mester constata cu e Gobierno aki a bay den un aventura cu no tabata transparente, pasobra na Parlamento nan no a haya informacion detaya riba dje. Y unda Caya Grandi a wordo formalmente kibra, te ainda esaki ta kibra unda hopi turista como tambe ciudadanonan local a cay y kibra pia. Y esaki ta andando pa tres (3) aña largo caba y no tin un bista ki dia esaki lo ta cla pero cada bes un fecha wordo poni esaki despues ta wordo posponi, teniendo hende na un linea. Pero esunnan cu na fin di dia ta wordo afecta ta e comerciantenan y nan empleadonan. “Hopi di nan mester a reduci nan cantidad di empleadonan mandando nan cas pasobra e cifranan a baha y Gobierno no ta duna un compensacion tampoco pa nan por tene cabes riba awa

manera si ta e caso na Hulanda y otro paisnan,” Bikker a señalá.

DAÑO DI PERHUICIO

E lider di PDR a bisa cu el a compronde cu comerciantenan a bisa cu ta un suma cuantioso nan mester pa por lanta caso contra Gobierno pa haya daño di perhuicio, sin embargo Bikker ta bisa, “Mi tin bon noticia pa nan. Bo por entrega un ‘schade vergoedings verzoek’, (peticion pa daño di perhuicio) pasobra den e caso aki bo ta tratando cu Gobierno cu ta ehecutando tareanan gubernamental y ora di ehecucion di tareanan na interes publico, Gobierno comete fayó, como ciudadano y comerciante bo tin e derecho pa ley pa principianan di bon gobernacion di entrega un peticion pa nan paga daño di perhuicio. Y esaki dentro di 12 siman Gobierno mester tuma un desicion riba dje,” Bikker a splica.

FUNDACION PRO HUS-



Lider di Partido Democracia Real, Sr. Andin Bikker ayera mainta durante rueda di prensa na sede di PDR.



Imagennan ta mustra situacion actual den Caya Grandi.

TICIA

Bikker ta sigui bisa cu nan como Fundacion Pro Justicia, nan ta duna conseho gratuitamente, nan ta disponibel pa gratuitamente yuda e comerciantenan cu ta interesa pa yena e tipo di formulario aki. “Nos ta recomenda nan pa haci esaki prome cu Presupuesto 2013 wordo trata den Parlamento. E presupuesto cu lo ta yegando Parlamento den e proximo simannan nos dilanti. Bikker ta remarca cu asina Parlamento lo tin un bista tambe kico comercio ta sufriendo pasobra esaki tardi of trempa lo bin riba mesa pasobra e dañonan sufri desde aña 2010 bin ariba por wordo reclama te cu aña 2015 ya cu despues di 5 aña un reclamo ta caduca. “Como Gobierno responsabel bo mester tene cuenta cu e raclamonan ey’fo ta bibo y nan ta ehecutable,” Bikker a subraya.

DOS ASPECTO

Bikker ta remarca cu aki tin dos (2) aspecto. Uno, ta ki dia e trabounan lo caba? Pasobra na aña 2010, ora cu nan a presenta e proyecto na e comerciantenan den Caya Grandi,

nan a bisa cu esaki lo tarda seis pa nuebe luna y awor akinan nos ta bayendo riba di tres aña sin un bista ki dia e proyecto ta bay caba. Y e di dos aspecto ta cu e daño sumario, Gobierno ta nenga rotundamente di compensa e daño aki. “Eigenlijk e daño cu e comerciante a sufri ta un belasting den un capa, e termino na hulandes ta yama un ‘verkapte belasting’, pasobra na final di dia bo ta existi e comerciante pa tene nan tiendanan habri y nan empleadonan na trabou cu nan mester keda financia, pero un tienda no ta ‘un luga di subsidio’, pero bo ta habri un tienda pa bo gana placa. “Enbes bo tene bo placa na banco unda bo por gana 2-4% interes bo ta risk’e den un negoshi pa haya un miho ganashi riba bo inversion. Pero awor e comerciantenan ta haya nan cu un ‘belasting’ den un capa disfrasa unda tres aña largo caba nan mester keda subsidia nan negoshinan hibando perdida, sin bista di ki dia esaki ta bay keda cla y cu un Gobierno cu ta nenga di duna nan un tipo di compensacion, algo cu pa ley nan tin derecho riba dje,” asina Bikker a termina bisando. □

April 24

Celebrate Secretary day

Choice of:
Appetizer

Chicken Caesar Salad,
Coconut Shrimp, 3 way Crunchy
Appetizer consisting of Cheetah Chips,
Nacho Mamma & Funchi hasa.

Main course

Half Rack Rib, Grouper fillet,
Pasta Ricardi (Veggy with pasta)

Dessert

Cheese Cake, Key lime Pie,
Brownie

with a 3 Course Candlelight Dinner

only \$25 p/p

Waka Waka

ADVENTURE CAFE & CANTINA